



Chaminèm per òc !

Per sostenir l'inscripcion de la Lengua d'òc dins la lista de l'UNESCO Patrimòni Immateriau a risca d'extincion / Urgènta sauvaçada e per contunhar l'òbra après las manifestacions "Anèm Òc ! per la lenga occitana" de las annaas passaas.

Es un projècte en rèt concebut per la Chambrà d'òc en 2009 e repres chasqu'an despuèi aquesta annaa per l'I.E.O. 04-05 Espaci Occitan dels Aups.

Chaminèm per Òc es un projècte que se prepausa de botar en rèt, de las Valadas Occitanas d'Itàlia a l'Occitània granda e la Vau d'Aran en Catalonha, de chaminèas per sostenir l'insercion de la lenga d'òc dins la lista UNESCO Patrimòni Immateriau de l'Umanitat e per contunhar l'òbra après las manifestacions "Anèm Òc ! Per la lenga occitana" que se debanèron las annaas passaas a Montpelhièr, Tolosa, Besièrs, Carcassona...

Per aquò, la Chambrà d'òc a ideat una marca de qualitat e de rèt per l'iniciativa sonaa "CHAMINÈM PER ÒC !", prepausaa dins las grafias classica e mistralènca e dins las versions pan-occitanas mai comunas de "Chaminèm per òc !" e "Caminèm per òc !". La marca pòt èsser descharjaa directament sus Interrèt. (vèire au fons de l'article).

Coma se debana l'iniciativa ? Las Associacions, las Comunas, las Comunautats de Comunas, los Oficis dau Torisme, los Pargues, los Ecomusèus, los Departiments, las Regions e totes aquelos que n'an l'envea pòon prepausar una iniciativa de chaminèa(s) d'una jornaà ò mai, basta que dise lo jorn, lo luec e l'ora de partença amb una descripcion pichòta dau percors e mai los referiments de l'associacion ò de l'entitat responsable de l'iniciativa.

Las entitats qu'aderisson a la rèt s'engatjan a botar la marca de rèt dins la publicacion de lor iniciativa e a far conèisser au publike mai larje e als mass media las amiras que son prepausaas.

Totes aquelos qu'an aderit a la rèt "Chaminèm per òc !" s'engatjan a chifrar sus los meians de rendre visibla la rèt que se crea e las iniciativas que se realizan.



I.E.O. 04-05 Espaci Occitan dels Aups

21, charrièra de l'Estamparia

05 000 Gap / Occitània

Telefòne : 04.92.53.98.40

Corrièl : <ieo04-05@ieo-oc.org> <micheu.prat@orange.fr>

Randoneas dins Cairàs e valaas adjacentas
Chaminaas d'Òc / Chaminèm per Òc

Passeaas 2016

- **Dijòus-divèndres, los 4 e 5 d'òst de 2016** : « Celhac- Maujacet- Celhac » amb una nuech au refugi C.A.F. de Maujacet, Ubaia n-auta.
- **Dimècres-dijòus, los 10 e 11 d'òst de 2016** : « Sant-Vran - La Chanal - Sant-Vran » amb una nuech au refugi « Prat Morel / Pra Murel » de La Chanal, en 'quò de Bregita !
- **Dimarç-dimècres, los 23 e 24 d'òst de 2016** : « La Montaa - Ciabòt del Prat – La Montaa » amb una nuech au refugi « Jèrvis » [Ciabòt del Prat, vau Pelis aut].
- **Dimarç-dimècres, los 30 e 31 d'òst de 2016** : « Agulha- Fonses de Cervièra - Agulha » amb una nuech au refugi dels Fonses de Cervièra.

Aquestas « Chaminaas d'Òc » se fan sus l'organizacion de l'I.E.O. 04-05 Espaci Occitan dels Aups, mas l'associacion se vòu desgahtar de tota responsabilitat penala o juridica que pòt pas soscriure una assegurança ofrissent una cobertura medicala e de secors a totes los participaires. Es per aquò que demandèm en chascun(a) de venir sota sa pròpria responsabilitat e de signar una descharja certifiant que demandará pas de compte a l'organizador en cas de sinistre o de problèma mediau susvengut au cors d'una o l'autra de las passeaas.

Chascun(a) participa a títol individuau coma faria se fasia una passeaa en familha o entre amics.

Chascun(a) deu èstre capable de conèisser son nivèu de marchaire e son nivèu de forma per saupre se poirà o pas participar a l'una o l'autra de las sortias.

Ben segur, prendrèm pas de risca amb la meteo que la passeaa sarà annullaa en cas de temps marrit (chavana o pluèia). Partirèm solament se la meteo es segura e establà. Per chascuna de las chaminaas, la decision finala sará presa lo matin mesme e comunicaa a totes las personas marcaas per la randonea. Importança de ben donar sas coordonaas (fixe e mobile) sus lo fuelhon de participacion.

La data limita per se marcar es fixaa au dijòus 30 de junh de 2016* que nos chau reservar los refugis amb un nombre ja coneissut de participaires per las nuechaas. Los refugis e gites an de nombres de plaças limitats e poèm pas retenir mai que ce que nos donarán. Mandatz vòstra inscripcion au mai lèu per èstre segur(a) d'èstre servit(-via). Recebrètz una confirmacion per chasca passeaa que vos li sarètz marcat(-aa). (* data limita : lo març 31 de mai de 2016 per la segonda solament)

Talhon de tormar au mai tard lo jòus 30 de junh de 2016* per corrier postau a Michèu Prat [9, lèia de Chabanòtas – Amèu de Puèi Maure - 05 000 Gap / Occitània] {06 26 90 86 34} ò per corrier electronic a <micheu.prat@orange.fr>

Ieu sotasignat(-gnaa) NOM : _____ Pechon nom : _____

Adreïça: _____

Còdi postau : _____ Comuna : _____

Telefòne fixe : _____ Telefonèt : _____ Corrièl : _____

Me vòlo faire marcar per la(s) chaminaa(s) dau (dels) :

Dijòus-divèndres, los 4 e 5 d'òst de 2016 : « Celhac- Maujacet- Celhac » amb una nuech au refugi de Maujacet, Ubaia n-auta.

Dimècres-dijòus, los 10 e 11 d'òst de 2016 : « Sant-Vran - La Chanal - Sant-Vran » amb una nuech au refugi « Prat Morel / Pra Murel » de La Chanal, en 'quò de Bregita ! (* març 31/05/2016)

Dimarç-dimècres, los 23 e 24 d'òst de 2016 : « La Montaa- Ciabòt del Prat – La Montaa » amb una nuech au refugi « Jèrvis » [Ciabòt del Prat, vau Pelis aut].

Dimarç-dimècres, los 30 e 31 d'òst de 2016 : « Agulha- Fonses de Cervièra - Agulha » amb una nuech au refugi dels Fonses de Cervièra.

Desgahtjo l'I.E.O. 04-05 Espaci Occitan dels Aups de tota responsabilitat en cas de sinistre o de problèma mediau que ne sarièu victima au cors de las passeaas que li aurái participat.

Data : __ / __ / 2016

Signatura :